

**ADRODDIAD GAN Y PENNAETH CYNLLUNIO, DIOGELU'R CYHOEDD A GWASANAETH CEFN GWLAD**

**ADRODDIAD AR AMODAU CYNLLUNIO A AWGRYMR: CAIS RHIF 09/2022/1080**

Tir gyferbyn â Phorth y Waen, Aberchwiler

**1. PWRPAS YR ADRODDIAD:**

1.1 Yn ystod cyfarfod y Pwyllgor Cynllunio ym mis Mai 2023 penderfynwyd rhoi caniatâd cynllunio i'r cais cynllunio uchod. Gan fod hynny wedi mynd yn groes i argymhelliad y swyddog i wrthod y cais, gofynnodd yr aelodau i'r swyddogion ddrafftio cyfres o amodau cynllunio a chaniatáu i'r Pwyllgor Cynllunio gytuno arnyn nhw cyn cyhoeddi unrhyw benderfyniad.

1.2 Roedd y cais yn ymwneud â newid defnydd tir amaethyddol i ffurfio tir amwynder cymunedol, creu mynedfa newydd i gerbydau a maes parcio, ynghyd â gwaith cysylltiedig, ar dir gyferbyn â Phorth y Waen, Aberchwiler.

1.3 Mae copi o'r adroddiad gwreiddiol i'r Pwyllgor Cynllunio ar gael yn Atodiad A.

1.4 Nod yr adroddiad hwn yw ceisio cymeradwyaeth yr Aelodau i'r amodau sydd i'w gosod ar y caniatâd cynllunio.

**2. AMODAU ARFAETHEDIG:**

2.1 Gan ystyried natur a maint y datblygiad, y cyngor a gafwyd gan ymgylgoreion statudol a phenderfyniad y Pwyllgor Cynllunio, mae'r Swyddogion yn argymhell gosod yr amodau a'r nodiadau cynghorol canlynol ar y caniatâd cynllunio:

1. Bod y datblygiad y mae a wnelo'r caniatâd hwn ag ef yn dechrau erbyn 21 Mehefin 2028

Rheswm: Er mwyn cydymffurfio â darpariaethau Adran 91 Deddf Cynllunio Gwlad a Thref 1990.

2. Dylid cyflawni'r datblygiad a ganiateir yn unol â'r manylion a ddangosir ar y cynlluniau a'r dogfennau canlynol a gyflwynwyd, oni nodir yn wahanol mewn unrhyw amod arall sydd ynghlwm wrth y caniatâd hwn:

(i) Cynllun Lleoliad (Llun 0988/LP) – derbyniwyd ar 20 Ebrill 2023

(ii) Cynllun o'r safle fel y mae a'r cynllun arfaethedig (Llun 0988/1 Diwygiad A) – derbyniwyd ar 20 Ebrill 2023

(iii) Manylion y mynediad i gerbydau / cerddwyr (Llun 0988/SD1) – derbyniwyd ar 20 Rhagfyr 2022

(iv) Datganiad Defnydd Tir (Cyf 0988/S) – derbyniwyd ar 12 Ionawr 2023

(v) Gwerthusiad Ecolegol (J Ecological Solutions, Rhagfyr 2022) – derbyniwyd ar 19 Ebrill 2023

Rheswm: Rhag amheuaeth ac i sicrhau safon ddatblygu foddhaol.

**AMOD CYN CYCHWYN**

3. Yn ogystal â'r cynlluniau sydd wedi'u cymeradwy trwy hyn, cyn dechrau'r gwaith datblygu neu glirio'r safle, dylid cyflwyno cynllun tirlunio caled a meddal, a fydd yn darparu budd net ar gyfer bioamrywiaeth, i'r Awdurdod Cynllunio Lleol a bydd yn rhaid iddo gael ei gymeradwyo'n ysgrifenedig. Bydd y cynllun yn cynnwys manylion:

- (a) pob coeden, perth a llystyfiant arall ar y tir, manylion unrhyw goed ac ati sy'n cael eu cadw, a mesurau i'w gwarchod yn ystod y gwaith datblygu;
  - (b) coed, perthi, llwyni neu llystyfiant newydd arfaethedig, yn cynnwys cadarnhad o'r rhywogaethau, niferoedd a'r lleoliad, a phryd y bydd y rhain yn cael eu plannu;
  - (c) y deunyddiau arfaethedig a fydd yn cael eu defnyddio i greu'r ffordd fynediad, y maes parcio ac unrhyw lwybr neu arwyneb caled arall;
  - (d) gwaith cloddio arfaethedig, graddio a thwmpathau tir a newid lefelau, cyfuchlin terfynol a pherthynas y twmpathau arfaethedig â'r llystyfiant a'r tirffurf presennol;
  - (e) amseriad gweithredu'r cynllun plannu a thirlunio;
  - (f) manylion mân arteffactau ac adeileddau (e.e. dodrefn, gatiâu, biniau gwastraff neu unedau storio, arwyddion ac ati) sy'n gysylltiedig â'r man agored cyhoeddus.
- Mae'n rhaid i'r datblygiad fynd yn ei flaen yn unol â'r manylion a gymeradwywyd.  
Rheswm: Er mwyn cynnal bioamrywiaeth a'i wella

#### **AMOD CYN CYCHWYN**

4. Yn ogystal â'r cynlluniau a'r dogfennau a gymeradwywyd, cyn dechrau ar y gwaith datblygu neu glirio'r safle, dylid cyflwyno Cynllun Rheoli Tirwedd manwl, sy'n nodi sut y bydd y llystyfiant ar y safle yn cael ei reoli a'i gynnal a'i gadw, i'r Awdurdod Cynllunio Lleol ei gymeradwyo'n ysgrifenedig. Mae'n rhaid i'r datblygiad fynd yn ei flaen yn unol â'r manylion a gymeradwywyd.  
Rheswm: Er mwyn cynnal a gwella bioamrywiaeth ac er budd amwynder gweledol.

5. Dylid plannu'r holl blanhigion a nodir yn y manylion tirlunio a gymeradwywyd yn y tymor plannu a hadu cyntaf a ddaw wedi dechrau'r datblygiad a dim hwyrach. Os bydd unrhyw goed neu blanhigion yn marw, yn cael difrod neu glefyd difrifol neu'n cael eu tynnu mewn pum mlynedd ar ôl cwblhau'r datblygiad, plannir rhai newydd o faint a rhywogaeth debyg yn eu lle yn y tymor plannu nesaf, oni chytunir fel arall yn ysgrifenedig.  
Rheswm: Er mwyn cynnal a gwella bioamrywiaeth ac er budd amwynder gweledol.

6. Yn ogystal â'r cynlluniau a gymeradwywyd, ni chaniateir gosod goleuadau allanol ar y safle tan y bydd yr Awdurdod Cynllunio Lleol wedi rhoi cymeradwyaeth ysgrifenedig gyda manylion y mesurau, a fydd yn ceisio osgoi unrhyw effaith negyddol ar fywyd gwylt y nos. Bydd y mesurau a gymeradwyir yn cael eu gweithredu'n llawn a'u cynnal ar bob achlysur wedi hynny.  
Rheswm: Er budd amwynder meddianwyr eiddo cyfagos, i amddiffyn bywyd gwylt y nos.

#### **AMOD CYN CYCHWYN**

7. Yn ogystal â'r cynlluniau a'r dogfennau a gymeradwywyd, cyn dechrau'r gwaith datblygu, dylid cyflwyno manylion llawn y gât mynediad i gerddwyr sy'n darparu mynediad hygrych i bobl anabl fynd ar y cae chwarae ar ffin ogleddol ac o'r ffordd ar ffin ddeheuol y safle, i'r Awdurdod Cynllunio Lleol ei gymeradwyo'n ysgrifenedig.  
Rheswm: I sicrhau cysylltiad digonol â'r Man Agored Cyhoeddus presennol.

#### **AMOD CYN CYCHWYN**

8. Yn ogystal â'r cynlluniau a'r dogfennau a gymeradwywyd, cyn dechrau ar y gwaith datblygu, dylid cyflwyno Cynllun Rheoli Maes Parcio ar gyfer y safle i'r Awdurdod Cynllunio Lleol ei gymeradwyo'n ysgrifenedig. Bydd y cynllun yn cynnwys manylion ynglŷn â sut i reoli parcio hygrych, yn cynnwys diogelwch ar y safle a threfniadau parcio gorlif pan fo digwyddiadau cymunedol. Bydd unrhyw gynllun dilynol a gymeradwyir yn cael ei weithredu'n llawn oni chytunir yn wahanol yn ysgrifenedig gan yr Awdurdod Cynllunio Lleol.

Rheswm: Er budd diogelwch ar y ffyrdd ac amwynder gweledol.

9. Ni chaniateir mwy na 6 lle parcio fel y manylir ar y cynllun safle arfaethedig (Llun 0988/1 Diwygiad A) ar y safle oni chytunir yn wahanol ac yn ysgrifenedig gan yr Awdurdod Cynllunio Lleol.

Rheswm: Er budd diogelwch ar y ffyrdd ac amwynder gweledol.

### **3. PENDERFYNIAD:**

3.1 Cymeradwyo'r amodau a nodiadau cynghori a nodir yn Adran 2 uchod i'w cynnwys yn yr Hysbysiad o Benderfyniad.

**EMLYN JONES, PENNAETH CYNLLUNIO, GWARCHOD Y CYHOEDD A GWASANAETHAU  
CEFN GWLAD**